

Doktorinnhorniartarnerit pillugit Namminersorlutik Oqartussat nalunaarutissiat nr. 40, 6. november 2020-meersoq

Ilisimatusarfik pillugu Inatsisartut inatsisaanni nr 12, 12. juni 2019-imeersumi § 15, imm. 4 naapertorlugu aalajangersarneqarput:

Kapitali 1

Doktorinnhorniarnermi ataqqinaammillu doktorinnhorniarnermi ataatsimut aalajangersakkat

§ 1. Ataani aalajangersakkat allaqqasut naapertorlugit Ilisimatusarfik doktorinnhortitsisinnaallunilu ataqqinaammik doktorinnhortitsisinnaavoq.

§ 2. Ilisimatusarfik ilisimatusarfimmi ilinniartitsissutini ataasiakkaani taakkunungalu kandidatinnhorniarfiit ilaatillugit doktorinnhorniarnarit allaqqasut doktorinnhortitsisinnaavoq allaqqasutullu taaguuserlugit doktorinnhortitsisinnaalluni:

- 1) Teologimi doktori - doctor theologiae (dr.theol),
- 2) Filosofimi doktori - doctor philosophiae (dr.phil),
- 3) Antropologimi doktori - doctor scientiarum anthropologicarum (dr.scient.ant.),
- 4) Perorsaarnermi doktori - doctor pædagogiae (dr.pæd.),
- 5) Tarnit pissusaat pillugu doktori - doctor psychologiae (dr.psyk.),
- 6) Inuussutissarsiortuni oqaatsit pillugit doktori - doctor linguae mercantilis (dr.ling.merc.),
- 7) Inatsisilerinermi doktori - doctor juris (dr.jur.),
- 8) Naalagaaffiit pillugit ilisimatusarnermi doktori - doctor politices (dr.polit.),
- 9) Naalagaaffiit pissusiinik ilisimatusarnermi doktori - doctor scientiarum politicarum (dr.scient.pol.),
- 10) Aningaasaqarneq pillugu doktori - doctor oeconomices (dr.oecon.),
- 11) Inuussutissarsiornermi aningaasaqarneq pillugu doktori - doctor mercaturae (dr.merc.),
- 12) Allaffissorneq pillugu doktori - doctor scientiarum administrationis (dr.scient.adm),
- 13) Inuiaqatigiilerineq pillugu doktori - doctor scientiarum socialium (dr.scient.soc.),
- 14) Isumaginninneq pillugu ilisimatusarnermi doktori - doctor rerum socialium (dr.rer.soc.),
- 15) Nakorsaattit pillugit doktori - doctor medicinae (dr.med.),
- 16) Kigutigissaanermi doktori - doctor odontologiae (dr.odont.),
- 17) Inuussutissalerinermi doktori - doctor medicinae veterinariae (dr.med.vet),
- 18) Pinngortitamik ilisimatusarnermi doktori - doctor scientiarum (dr.scient.),
- 19) Nakorsaasersuineri doktori - doctor pharmaciae (dr.pharm.),
- 20) Nunalerineq pillugu ilisimatusarnermi doktori - doctor agronomiae (dr.agro.),
- 21) Teknik pillugu doktori - doctor technices (dr.techn.),
- 22) Napparsimasunik paarsineri doktori – doctor curationis (dr.cur),
- 23) Inuiaqatigiilerinermi doktori – doctor scientiarum socialium (dr. scient.soc.).

Imm. 2. Ilisimatusarfik ph.d.-graditut ataqqinaammik assinganik doktorinnhortitsisinnaavoq. Taakkunani pisuni taaguut una ilanngunneqartassaaq: »honoris causa« (h.c).

Imm. 3. Inuit doktorinngortinneqarsimasut imaluunniit ataqqinaammik doktorinngortinneqarsimasut Ilisimatusarfimmiit diplomimik tunineqartassapput. Assammioqarsinnaatitaapput Ilisimatusarfimmit pineqarsinnaasumik tassanilu minervap niaquanik laubærkransimik ungalusimasumik naqitaqassaaq. Teologiimi doktorinngorsimasut siilikimik kjoleqarsinnaatitaapput siulilimmik sanilequtilik kiisalu nasartallit ammukaanik.

Kapitali 2

Doktorinngorniarneq

Doktorinngorniarneq pillugu tunngaviusut

§ 3. Doktorinngortitsineq allaaserisaq tunngavigalugu pisarpoq, allaaserisarlu tamanut ammasumik oqaluttariarsorluni illersorneqartarluni. Ilisimatusarfiup immikkorluinnaq ittumik pisoqartillugu oqaluttariarsorluni illersuinertaata ingerlanneqannginnissaa akuersissutigisinaavaa.

Imm. 2. Doktorinngortitsinermi atuakkiortup ilisimatuussutsikkut annertuumik ilisimasai inersimaneralu allaaserisaminilu ilisimatusarnermik malunnaatilimmik siuariaataasutut kinguneqarsimasumik ataqqinninnermik takutitsinerussaaq, tak. § 5, imm. 2.

§ 4. Inuit suliassaqarfimmi qaninnermi pineqartumi kandidatinnorsimasut, magisteritulluunniit angusisimasut imaluunniit ph.d.-mik angusisimasut doktorinngorniummik nalilersorneqartussamik allaaserisamik tunniussisinnaatitaapput, taamaattorli Ilisimatusarfiup doktorinngorniarnarluni allat allaaserisaannik tunniussisinnaanissaat akuerisinaavaa tak. imm. 2.

Imm. 2. Imm. 1-imi aalajangersagaq apeqquaatinnagu Ilisimatusarfiup allaaserisaq tunniunneqartoq nalilersortariaqanngilaa makku peqququtigalugit

- 1) doktorinngorniutaasoq allaaserineqarnerata ilusaa imaaluunniit isiginiarlugit akuerineqarluni tunniunneqarsinnaanngippat, imaluunniit
- 2) allaaserisami sammineqartumi qaffasissumik naliliisinaasumik Ilisimatusarfimmi peqanngippat, imaluunniit
- 3) allaaserisaq ilinniarfimmi qaffasissumi doktorinngorniutaasutut doktorinngussutaananili nalilersorneqartussatut saqqummiunneqareersimappat, taamaassimassappallu allattuata allaaserisamik tunniussinermini tamatuminnga nalunaaruteqartussaataavoq.

Allaaserisaq

§ 5. Doktorinngorniuttip imarisinnaavai allaaserisaq imaluunniit allaaserisat imminnut ataneqartut periaatsilluunniit assingusut atorlugit allaaserisat. Doktorinngorniut arlallit allaaserisanik imaqarpat allattup ilisimatusarnermi inernerit angusimasani pillugit eqikkakkamik aamma nassuiaatitaqassaaq. Doktorinngorniummi siornatigut suliaasimasunik ilaqarpat, tak. imm. 2, eqikkaanerme taakku ilaatinneqassapput tassanilu ilisimatusarnermi inernerit nutaat taakkununnga naleqqiullugit ilaatinneqarlutik.

Imm. 2. Doktorinnorniummi tassannganneersunik allaaserisanik ilisimatusarnermiluunniit inernernit ilaqarpat taakkulu siornatigut Kalaallit Nunaanni nunaniluunniit allani qaffasissumik ilinniarnermi angusissutaasimappata imaluunniit akissarsissutaallutik nalilerneqarsimappata doktorinnorniuut taakkuninnga paasissutissanik ilaqartinneqassaaq. Doktorinnorniuut taamaallaat tunniunneqarsinnaavoq doktorinnorniummut allattup ilisimatusarnermi misissuinermi nutaanik inernerit uppersarsinnaappagit, siornatigut naliligaasimasunit ilisimatusarnermit annertuumik siuariarneruppat, tak. § 3.

Imm. 3. Taassumanga eqikkaaneq doktorinnorniummut ilaatinneqassaaq.

Imm. 4. Doktorinnorniuut taassumaluunniit ilaa ataatsimoorluni suliaqarnermit inerneruppat allaqataasut atsiortinneqassapput allattuatalu nammineq annertussusaa pillugu eqimattamillu suleqatigiinnermit annertussusaa uppersarsarneqarluni.

§ 6. Doktorinnorniarluni allaaserisami tassanngalu eqikkaanermi suut oqaatsit atorneqassanersut ilisimatusarfimmit aalajangerneqassaaq. Allaaserisaaq allat oqaasii atorlugit allataappat eqikkagaq taamaattoq kalaallisut qallunaatulluunniit allanneqarsimassaaq.

§ 7. Naliliinermut ataatsimiititaliap inassuteqarneratigut ilisimatusarfiup allaaserinnittumut akuersissuteqarsinnaapput allaaserisami minnermik allannguissaanut imaluunniit ilassuteqarnissaanut, tamannalu pissalluni illersorneqannginnerani takuneqarsinnaalerpat, tak. § 16.

Naliliinermik ataatsimiititaliaq aamma ataatsimiititaliap inassuteqaataanik suliarinninneq

§ 8. Doktorinnorniummik nalilersuinermit naliliisussanik ilisimatusarfik ataatsimiititaliussaaq allaaserisap tiguernerat piaartumik nalinginnaasumillu tiguernerat qaammat pingasut qaangiutsinnagit. Taanna marlunnik pingasunilluunniit doktorinnorniummi sammineqartumi suliaqartunik ilaasortaqaassaaq professoriullutik suliaasaqarfimmiluunniit qaffaseqataanik ilisimasaqarlutik. Nalilersuinermi ataatsimiititaliami ilaasortat kisimik nalilersuinermi ilaasinnaapput.

§ 9. Naliliinermi ataatsimiititaliap inuttalerneqarnerata kinguninngua allaaserinnittoq tamassuminnga ilisimatinneqassaaq taakkununngalu akerliussaguni ulluinnaat ikinnerpaanik arfineq-pingasut sivisunerpaamillu ullut 14-it iluini akerliussinnaalluni. Akerliusoqassappat akerliussutit tigupeqariaannartut piaartumik suliarineqassapput. Naliliinermi ataatsimiititaliap katitigaanerata allanngortinnissaa aalajangerneqarpat allaaserinnittoq tamatuminnga aamma ilisimatinneqassaaq akerliliinissaanillu periarfissillugu.

Imm. 2. Naliliinermi ataatsimiititaliap katitigaanerat pillugu ilisimatusarfik inaarutaasumik aalajangereerpat allaaserinnittoq tamatuminnga ilisimatinneqassaaq ulluinnaat ikinnerpaanik arfineq-pingasut sivisunerpaamillu ullut 14-it iluini doktorinnorniuuteqarluni allaaserisani nalilerneqarnissaanit utertissinnaallugu periarfissaqarneranik ilisimatillugu. Piffissaliineq qaangiuppat naliliinermilu ataatsimiititaliap inaarutaasumik inassuteqaataata tiguinissaanut

allaaserisap nalilernissaata unitsinnissaa taamaallaat pisinnaavoq Ilisimatusarfiup immikkorluinnaq ittuni tamanna akuersissutigippagu.

§ 10. Naliliinermi ataatsimiititaliap doktorinngorniutitut allaaserisap illersorneqarnissaa akuerineqartariaqarnersoq itigartinneqartariaqarnersorluunniit pillugu tunngavilersuummik ilinniagartuut siunnersuisoqatigiivinut allalluni inassuteqaateqassaaq. Ataatsimiititaliami naliliineq pillugu isumaqatigiinngitsoqarpat ilaasortat ataasiakkaarlutik eqimattakkuutaarlutilluunniit inassuteqaateqassapput. Inassuteqaat suliamut tunngatillugu allanneqassaaq aalajangiinermilu naammaginartumik tunngavissiissalluni.

Imm. 2. Inassuteqaat, pisuni ataasiakkaani allamik piffissaliisoqanngippat, naliliinermi ataatsimiititaliap pilersinneranit kingusinnerpaamik qaammatit arfineq-pingasut qaangiutsinnagit suliaralugu naammassineqarsimassaaq.

§ 11. Inassuteqaat amigartunik ilitsersuinertaqarpat annertuumilluunniit amigaateqarpat inassuteqaat naliliinermi ataatsimiititaliamut suliareqqitassanngorlugu imaluunniit suliamik pingaarutilinnik kukkunerit aaqqinnissaat siunertaralugu nassuteqqinneqassaaq. Inaarutaasumik inassuteqaat naammassineqarsimalerpat allattuanut piaartumik nassiunneqassaaq.

Imm. 2. Inassuteqaat, imaluunniit pisut ilaanni inassuteqaat, isumaqatigiinngissutaappat inassuteqaatip ilaanni allaaserisap itigartinnissaa inassutaappat allattua ilisimatinneqarsinnaavoq piffissami sapaatit akunnerit pingasut iluanni inassuteqaammut oqaaseqarsinnaatitaasoq imaluunniit allaaserisap suliariteqqinnagu utertissinnaagaa.

Imm. 3. Naliliinermi ataatsimiititaliap inassuteqaataanut oqaaseqaammik saqqummiussisoqarpat allaaserisap utertinngikkaluarlugu oqaaseqaat naliliinermi ataatsimiititaliamut akisassanngorlugu nassiunneqassaaq ilaatigullu inassuteqaammut nutaamik nalileeppinnissamut tunngaviusinnaalluni. Allattoq naliliinermi ataatsimiititaliap akerliussutit pillugit qisuariaataat pillugu ilisimatinneqassaaq.

§ 12. Inassuteqaateqarnermut atatillugu nalornisoqarneranik inissiiniarnermi naliliinermi ataatsimiititaliami ilaasortat ilinniagartuut siunnersuisoqatigiinni suleqataanngitsut suliaasaqarfimmi suliamik suliarinninnissamut aggeqquneqarsinnaapput ikinnerpaamik ullunik 14-inik sioqqutsisumik. Taasinermi peqataassanngillat. Suliamik suliarinninnermi aalajangiinermut sunniuteqarsinnaasunik paasissutissanik allattullu siornatigut ilisimasimannngisaanik takkuttoqarpat allattoq tamatuminnga allaffigalugu ilisimatinneqassaaq aalajangiisoqannginneranilu taakku pillugit oqaaseqaateqarnissaanut periarfissinneqassalluni.

§ 13. Naliliinermi ataatsimiititaliap inassuteqaataa pillugu ilinniagartuut siunnersuisoqatigiini taasinerat pillugu ataani malittarisassani takuneqarsinnaapput. Taaseqataasinnaasut tassaapput siunnersuisoqatigiini aalajangiisussani ilaasortat tamarmik. Taasinerni ataatsimik amerlanerussuteqarnikkut imaluunnit taasisut akornanni amerlanerussuteqarluarnikkut taasinermi taasissutaanngitsut ilanngunnagit

aalajangiisoqartassaaq. Naliliinermi ataatsimiititaliap inassuteqaataa malinneqarniarani aalajangiisoqarpat suliaq naliliinermi ataatsimiititaliami annertusisami suliarineqassaaq.

Imm. 2. Allaaserisamik illersuisoqarnissaanut tamanit inassutigineqartoq akuersissutigineqassaaq ilaasortat taasisinnaasut ikinnerpaamik 2/3-ii akerliunatik taasippata. Allaaserisap illersorneqarnissaanut akuersinnginnermi tamanit inassutigineqarpat taaseqataasunit ataatsimik amerlanerussuteqarnikkut akuersissutigineqarsinnaavoq.

Imm. 3. Amerlanerussuteqartunit allaaserisap illersorneqarnissaa inassutigineqarpat taaseqataasunit ataatsimik amerlanerussuteqarnikkut akuersissutigineqarsinnaavoq. Allaaserisap illersorneqannginnissaanik amerlanerussutillit inassuteqarpata tamanna akuersissutigineqassaaq taasisinnaatitaasut ikinnerpaamik 2/3-ii inassuteqaammut akuersillutik taasippata.

Imm. 4. Naliliinermi ataatsimiititaliaq ilaasortanik marluinnarnik inuttaqarsimappat taakkulu allaaserisamik illersuinissamut aappaa akuersilluni aappaa akerliulluni taasippata allaaserisap naliliinermi ataatsimiititaliami annertusisami suliarineqassaaq.

*Annertusisamik naliliinermi ataatsimiititaliaq ataatsimiititaliallu inassuteqaataanik
suliarinninneq*

§ 14. Ataatsimiititaliaaqaartoq marlunnik ilaasortaqaarsimappat ataatsimiititaliaq annertusisap pingasunik tallimanilluunniit ilaasortaqaassaaq. Ataatsimiititaq siulleq pingasunik ilaasortaqaarsimappat ataatsimiititaq annertusisap tallimanik inuttaqartinneqassaaq. Ataatsimiititaliaasimasumit ilaasortaasimasut annertusisamik ataatsimiititaliami nalinginnaasumik ilaasortaaqqittarput. Aamma §§-ini 8-12-imi aalajangersakkat assinganik atorneqassapput.

§ 15. Naliliinermi ataatsimiititaliamit annertusisamit ilinniagartuut siunnersuisoqatigiinit inassummik taasineq makku tunngavigalugit pissapput, tak. § 13, imm. 1 oqaaseqatigiit aappaat:

- 1) Allaaserisamik illersuinissamut tamanit inassuteqaat akuersissutigineqassaaq ilaasortat taasisinnaatitaasut 4/5-ii akerliullutik taasinngippata. Tamanit isumaqatigineqartumik allaaserisamik itigartitsiniarnermut inassuteqaat allanngortinneqarsinnaanngilaq.
- 2) Allaaserisamik illersuinissamut amerlanerussuteqartunit inassutigineqartoq akuersissutigineqassaaq taasisinnaatitaasut ikinnerpaamik 2/3-ii akerliullutik taasinngippata. Allaaserisap amerlanerussuteqartunit itigartinneqarnissaa inassutigineqarpat ikinnerpaamik taasisinnaasut 4/5-ii akerliullutik taasinngippata.

Illersornera pisortatigoortumik naliliisussallu nahunaarutaat

§ 16. Allaaserisap illersorneqarsinnaalerpat allattup isumagissavaa allaaserisamit assilisat pineqarsinnaaneri, allaaserisamillu assilisat Ilisimatusarfiup ersarinnerusumik aalajangiineratigut illersorneqannginneranik sapaatit akunneri ikinnerpaamik sisamat sioqqullugit.

§ 17. Illersuineq tamanit tusarnaarneqarsinnaavoq ilinniagartuut siunnersuisoqatigiinilu siulittaasumit aqunneqarluni imaluunniit siulittaasumit toqqakkamit ilisimatusarnermit suleqataasumit allamit. Illersuinerup ingerlannera pillugu naammattumik uppersaatissaqarnissaa Ilisimatusarfiup qulakkiissavaa.

Imm. 2. Illersuinermi oqaatsit tassaassapput kalaallisut, qallunaatut, norskisut svenskisulluunniit, oqaatsinik allanik atuisoqarnissaanik Ilisimatusarfik akuersissuteqanngippat.

Imm. 3. Illersuisoqarnissaa ikinnerpaamik sapaatit akunneri sisamat sioqqullugu illersuisoqarnissaa pillugu Ilisimatusarfik ilisimatitsissaaq sumi qaqugu tamanna ingerlanneqassanersoq ilisimatitsissutigalugulu allaaserisaq sumi pineqarsinnaanersoq kiisalu illersuinissamut malittarisassat ersarinnerusut ilanngullugit, matumanilu pisortatiguunngitsumik naliliisussatut takkunermi nalunaarneq.

§ 18. Pisortatigoortumik nalilersuisussatut atuuttussat naliliinermi ataatsimiititaliamit ilaasortat marluk toqqarneqassapput. Pissutsini immikkut ittuni suliaasaqarfimmi suliallit allat pisortatigoortumik nalilersuisussatut toqqarneqarsinnaapput.

Imm. 2. Pisortatiguunngitsumik nalilersuisinnaasut illersuinermi aqutsisumut aallartinginnerani nalunaassapput. Aqutsisulli pisortatiguunngitsumik naliliisartut kingusinnerusukkut oqaaseqartissinnaavai siusinnerusumilli nalunaaruteqartut siulliusussaataanerit atorunnaarsinngikkaluarlugu.

§ 19. Doktorinngorniummik allataqartup kissaatigippagu illersuinini aallarnerlugu 1/2 tiimit atorlugit atuaasinnaatitaavoq tassanilu allaaserisap qulequtaa sammineqarluni kiisalu ilisimatusarnermi inernerit nalilerneqartussatut saqqummiunneqartut ilanngullugit eqqarsaatigalugit.

Imm. 2. Pisortatigoortumik nalilersuisussat nalinginnaasumik sivisunerpaamik 1 1/2 tiiminik piffissalernerneqartarput pisortatiguunngitsumik nalilersuisussat sivisunerpaamik 3/4 tiiminik apeqqutinut piffissalernerneqartarlutik, piffissanilu taakkunani doktorinngorniummik allataqartup akissuteqarnissaminut pisariaqartitaa ilaatinneqarpoq. Nalilersuisussanulli piffissaliineq pissutsit naapertorlugit sivikillineqarsinnaavoq sivitsorneqarsinnaallunuunniit. Illersuineq tamarmi sivisunerpaamik 6 tiimiusaaq unikkallarnerit ilanngullugit.

§ 20. Illersuereernerup kinguninngua piaartumik, taamaattoq tak. imm. 2, pisortatigoortumik nalilersuisussat illersuinerup qanoq sukumiitiginersoq pillugu naliliinertik ilinniagartuut siunnersuisoqatigiivinuut nalunaarutigissavaat. Naliliisut tamarmik aappaataluunniit illersuineq sukumiisuunngitsutut nalilerpassuk nalunaarummi tamanna ersarinnerusumik tunngavilersorneqassaaq.

Imm. 2. Illersuineq ima ingerlasimappat, naliliisut marluullutik aappaaluunniit ilaliisumik nalunaaruteqarnissaminik nalornippata ilinniagartuut siunnersuisoqatigiini aalajangiisussaasoq allakkianik oqaaseqaateqarnissaanik pissarsiariniassavaat, matumanilu pisut naapertorlugit pisortatiguunngitsumik naliliisussanit, nalornineq qaangerumallugu.

Ilisimatusarfiup doktorinngorniummik allattoq periarfississavaa namminermtunngannigitsunik oqaaseqaateqarsinnaaneramik, allaaserisap naliliisartunut nalunaaruteqarniarlutik allaaserisamik nassiussinnginneranni.

Imm. 3. Ilinniagartuut siunnersuisoqatigiivinut nalunaarut amigartumik ilitsersuutitaqarpat suliamilluunniit ingerlatsinermi kukkuneqartorujussuuppat naliliisartunut suliareqqitassanngorlugu kukkunerilluunniit aaqqitassanngorlugit uterteqqinneqassaaq. Inaarutaasumik nalunaarut tiguneqarsimalerpat doktorinngorniummik allattumut nassiunneqassaaq. Naliliisartut marluullutik illersugaq naammaginngippassuk doktorinngorniummik allattoq ullunik ikinnerpaamik 14-inik periarfissinneqassaaq nalunaarummut oqaaseqaateqarnissaminut. Oqaaseqaatit naliliisartunut nassiunneqassapput oqaaseqaateqarfigineqartussanngorlugit ilaatigullu inassuteqaammik nalileeqqinnermut atorneqartussanngorlugit. Doktorinngorniummik allattoq naliliisartut oqaaseqaataat kukkunerisiornerallu pillugit ilisimatinneqassaaq.

Suliamik inaarsaaneq il.il.

§ 21. Ilinniagartuut siunnersuisoqatigiini suliamik naliliinerannut pisortatigoortumik naliliisartut siunnersuisoqatigiinni ilaasortaangippata suliamik suliarinninnermut aggersarneqarsinnaapput. § 12-imi aalajangersakkat aamma assinganik atorneqassapput.

Imm. 2. Suliamik naliliisussat ilinniagartuut siunnersuisoqatigiini suliamik aalajangiinnginnermi paasissutissanik allanik pissarsiniaqqaarnissaannut peqqutissaqanngippat, tak. imm. 3, makku atuutissapput, tak. § 13, imm. 1, oqaaseqatigiit aappaat pingajuallu:

- 1) Naliliisussat marluullutik illersugaq tamakkiisumik naammaginartippassuk doktorinngorniarluni allattoq doktorinngortinneqassaaq.
- 2) Naliliisartut marluullutik illersugaq naammaginartinnngippassuk doktorinngornissaanut taasinermi taaseqataasut ikinnerpaamik 2/3-ii aatsaat taasippata doktorinngorniarluni allattoq doktorinngortinneqarsinnaavoq. Tassunga aatsaat aalajangertoqarsinnaavoq imm. 3 naapertorlugu paasissutissanik ilassutaasunik pissarsisoqareerpat.
- 3) Naliliisartut isumaqatigiinnatik nalunaaruteqarsinappata taasisinnaasut ikinnerpaamik 2/3-ii akerliunatik taasisinappata doktorinngorniarluni allattumut doktorinngortitsisoqarsinnaavoq.

Imm. 3. Taasinermi amerlanerussutillit pissutsit immikkorluinnaq ittut peqqutigalugit suliaq naliliisartut nalunaarutaat kisiat tunngaviginagu aalajangiiffigineqartariaqartoq paasissutissanilli ilassutaasunik pissarsiarineqartariaqartoqartariaqartoq, taakku allaganngorlugit piniarneqassapput. Doktorinngorniarluni allattoq naliliisartullu tamatuminna ilisimatinneqassapput paasissutissallu tassanngaanneersuunngitsut aalajangiisoqannginnerani oqaaseqaateqarsinnaatitaassallutik. Imm. 2 naapertorlugu malittarisassat malillugit aalajangiisoqassaaq doktorinngortitsisoqassanersoq imaluunniit doktorinngortitsisoqassannginneresoq.

§ 22. Ilisimatusarfiup pissutsit immikkorluinnaq ittut pequtugalugit oqaluttariarsorluni illersuinertaata pinngitsoortinnissaanut aalajangerpagu malittarisassat illersuinermut aalajangikkat atuuttut malittarisassat malillugit doktorinngortitsisoqarsinnaavoq.

§ 23. Allaaserisap assilnera ataaseq Nunatta Atuagaateqarfianut assilneralu ataaseq Ilisimatusarfiup atuagaateqarfianut tunniussisoqassaaq.

Kapitali 3

Ataqqinaammik doktori

§ 24. Ilisimatusartunut ataqqinaammik doktorinngortitsisoqarsinnaavoq ilisimatuussutsikkut sulinerminni tamanna ataqqineqartussatut nalilerneqarpat ilisimatusarnermi qaffasinnerpaamik ataqqinaasernissaat pissusissamisoortutut isigineqarpata.

Kapitali 4

Naammagittaalliuutit

§ 25. Nalunaarut naapertorlugu aalajangiinernut naammagittaalliuutit Ilinniartitaanermut Naalakkersuisoqarfimmut anngunneqarsinnaapput.

Kapitali 5

Atuutilernera

§ 26. Nalunaarut atuutilissaaq ulloq 1. december 2020.

Namminersorlutik Oqartussat ulloq 6. november 2020.


Katti Frederiksen


Karsten Peter Jensen